

Visoki predstavnik donio izmjene i dopune Zakona vezanih za projekat CIPS u cilju ispunjavanja međunarodnih standarda i standarda Vijeća Evrope

Visoki predstavnik Paddy Ashdown je danas donio dvije Odluke o izmjenama i dopunama *Zakona o ličnoj karti građana Bosne i Hercegovine i Zakona o centralnoj evidenciji i razmjeni podataka*. Ovim izmjenama i dopunama se pojašnjavaju informacije koje će sadržavati nova lična karata građana BiH. Preciznije, ovim izmjenama i dopunama se ukida unošenje naziva entiteta u ličnu kartu, što je rezultat preporuka koje je Vijeće Evrope dalo u svom nedavnom izvještaju o zaštiti ličnih podataka građana.

Ova tehnička poboljšanja su neophodna da bi se osiguralo da BiH ispoštuje rokove koji su definirani komercijalnim ugovorom za Projekat sistema zaštite ličnih podataka građana (CIPS), te da se na taj način uklone rizici vezani za kašnjenje u implementaciji Projekta i stvaranje dodatnih nepotrebnih troškova za građane Bosne i Hercegovine. Ovim izmjenama se takođe osigurava da će lični dokumenti građana, koji se u BiH uvode putem Projekta CIPS, zadovoljavati najviše evropske i međunarodne standarde.

Visoki predstavnik poziva Parlament BiH da poduzme sve neophodne mjere kako bi u potpunosti ispoštovao preporuke Vijeća Evrope i razriješio sva preostala zakonodavna pitanja vezana za Projekat CIPS. Nadalje, Visoki predstavnik poziva Vijeće ministara BiH da poveća nivo neophodnih budžetskih

sredstava, kao i sredstava namijenjenih za rukovođenje Projektom CIPS i njegovu implementaciju, imajući na umu značaj ovog projekta za sigurnosne interese građana BiH na domaćem i međunarodnom planu.